



道鄉先生鄒忠公文集卷之十一

真詩

讀丘濬寺丞天繪亭記丘侯慶曆中進觀風

州職官州人尚有識之者云剛果難犯世傳其得道尸解莫知所在

襟懷落落富經綸造命奇窮道不伸詩以百篇天上

獻身為萬里幕中賓每聽故老談風節尚有遺文照

水濱聞說神游已無較想經山頂亦逡巡

讀龍圖標公瘴說公景祐初以殿中丞知昭

五瘴急催暴斂剝下奉上此賦畧云仕有

以酬宴私儲此貨財之瘴也盛揀姬妾以娛



聲色此惟薄之瘴也有一於此民怨神怒
安者必疾疾者必殞雖在轂下亦不可免
何但遠方而已仕者或不不自
知迺歸咎於土瘴不亦繆乎

市門隱去不知年蔽蒂甘棠蔭樂川五瘴作時雖不
染一篇留誠指其然直須鏤版人皆與度使綿區病
可痊更有奇方公未說上醫醫國許心傳

追感董敦逸夢授侍郎

公熙寧中為昭州平
樂令題詩蓮花臺上

至今存為元祐中罷御史為本路轉運判
官上即位之初公為左諫議大夫子為左
正言實同省戶部侍郎未幾中書舍人
公移尚書戶部侍郎未幾中書舍人

臺陟蓮花見舊篇追惟平昔倍凄然初為有里青衫
短晷按連城白髮鮮東省聯裾驚昨夢南宮分袂忽

新阡使公難老猶無恙只恐投荒更我先

寄零陵令朱君陟彥明推官

前時滬角惟憂速今日郵筒只恐遲書到零陵長官
處掀然一笑有誰知

偶書

莫把形骸較此心此心真體杳難尋太虛僅此一漚
發方寸能容萬象沉無佛無人誰是我不爽不去妙
常今更須知有全提在拄杖從橫雲霧深

母氏安康郡太君生日三十韻

四月十日

朱明初啓節分卦屬純乾善積名門久祥開淑質賢

柔儀應月呂和氣集薰絃奕世儒風藹持家禮法傳
乘龍來配德采藻助承先姑老耄勤朝乳功餘繹舊編
卜隣嚴子教截髮盛賓筵萱草欣多豫鳴鳩詠不偏
鄉閭師肅穆坤道信完全自輟齊眉奉尤於內典專
三車窺至喻一笑悟真筌榮辱忘區別優游任衆緣
居常遵坦路方寸湛澄淵浩也端愚陋身弓數仆顛
范滂蒙訓敕夢得念慈憐放逐清湘外羈縻蒼桂邊
遙知今日燕想見瑞爐煙弟姪紛為素親朋儼造前
焚香控南斗極目望東阡鸞鶴翔仙嶺龜魚動樂川
安康符郡號習熾賦詩篇計已聞消息誰新獲沈前

賜環叨霽澤衣綵即歸田省定深如志生成實荷天
豈徒寬慮耳必是倍歡然雖阻隨行拜猶勝避瘴眠
鵬搏九萬里椿大八千年就養逾曾哲承顏繼閔騫
尚存誠意在終冀夙心圓永結老人好星光盈紫躔
寄蓬萊并示柄

皇帝如天極至公恩光來自大明宮歸田實遂平生
志與汝難忘造化功料得安康無限喜信知理數莫
能窮吾今只候文書到便挈妻衰衣迎北風

桂花

丹桂從來未散花今年花散衆驚嗟盈盈簇蓋真珠

細片片籠車羨玉斜闔闔携香燼席綺嫦娥流影動
惚紗乾坤着意欣逢遇放得風光向北誇

螢火

未鮮捐書常讀書只緣炎瘴簡編踈夜深螢火猶相
勉無數飛光照閣居

廣南四時攝養括子

元祐中知蔚州左朝散郎何與猶所撰印以

施人人遵用之無不妥

仁者存心故不同四時括子廣西東蒙息歸去雖無
用留作常絃戒我躬

覽鏡

三窟湖南興嶺南生涯破蕩孰能堪歸田莫慮飢寒
迫眼下新來有卧蚕

追涼晚步邂逅張雲卿王文輔王子正三進
士同行

巷僻門多掩雞豚散不收後先携衆士笑語入汀洲
太尉廟前面冠芝亭上頭曠然無障礙誰羨爾公侯
過張雲卿所居

叢石誅茅古道遙儒家清占靜中天數番雨水添塘
水滿目紅蓮間白蓮望處蒼龍蟠遠嶽坐來朱鷺舞
祥烟我心本在風塵表偶此相羊更豁然

讀莊子

形影相隨向此居柴門終日掩清虛誰知盤磚高堂
上自與南華遊物初

又

萬物同為一體真體真誰復見陳新今吾故我強名
耳莫逆於心得此人

喜聞營中同預歸田之數

簡在天心世所知賜環欣與我同歸耦耕曩已神先
受野相從以詩寄堂中末句云蒙追路今休詠式微洗
脚上舡無昨夢堂中公境界之語舉頭見日有祥

輝扶搖本自南溟起只恐難淹九萬飛

栩栩軒子鄰王所謂栩栩者名之示以絕句

不知覺夢不知憂物與心冥事事休此是道人真境
界西家分得亦同遊

夢曾存之見過

疋馬來過笑且言廉州象郡亦同還今朝勅了明朝
下盡出君王獨斷間

又

衡陽深賴帝憐之論者雖多不遠移一日一書誰管
得人生傾倒在相知

金道外集卷十一
五
聞歸曰之命懷同廢諸公

同時廢逐十餘人我是丹書第一名
方向嶺邊思往咎忽蒙天上許歸耕
諸公想亦茅連茹此日宜皆水濯纓
覆載恩深力圖報後今尤在罄精誠

池上

荷花荷葉滿池塘
柄柄搖風作晚涼
忽憶新開湖裏過
遠舫終日送清香

留題天繪宮

杖屨追隨陟青冥
無邊景色集孤亭
解衣自若誰爲史
造物難窮巧賦形
展拓二儀成編素
均調一氣作丹青

丹青會將斷取山川手卷入中州
挂戶庭

山鵝

大如青菜小如烏
色亦蒼然二者俱
嗣歲不惟催布穀
可人尤是勸提壺
巧蕪琴弄端誰使
追得年光賴爾呼
萱草堂高欣屬耳
均籠隨我入東吳

遣惑

我命還須我自推
細微休更問蒼龜
枯莖朽骨猶能兆
豈有靈臺不了知

鷓鴣燕北

畏人常是襲人間
人不能傷自在還
爭似鸞鳳在寥

廓更無塵慮香難攀

觀赦文

吾皇恭已奉三無大赦敷天孰向隅自顧歸田夙遭
遇與人同慶借歡呼

留別元老

不因投竄抵昭平爭得相逢一笑親塵裏妙空居士
室琴邊聊見宰官身周顛尚以妻為累元亮惟知隱
是真元亮不娶不仕故云莫逆於心更何語撥開舡子過牢津

偶書

去年端午尚京居骨肉團圓藥奉板輿今日菖蒲還蓍

酒猶於嶺表待文書

重午王文輔送米食張雲卿送新酒來因成

絕句

水糲糲子恰登門白酒持來更滿樽節物人情總堪
醉况歸田里已承恩

競渡

坊村一處一龍舡擘浪飛橈闔欵先要識晚來誰勝
捷但聽歌吹鼓聲喧

寄俞清老

清老書云近自興教遷出夏軒且問曹溪消息如何因作此詩

卧龍前約竟悠悠依舊淮南笑不休落髮出家成往

事從僧還俗愜新謀未嘗異也誰燕越相與吾之任
馬牛一滴曹溪好消息為君舡子下揚州

夢立來軒名以其面蓮池十許頃名之曰妙

喜軒

蓮華千葉浦前開斷取應從妙喜來色帶日光飛縹
緲香乘風力轉徘徊休尋物外菴羅果且進池邊鸚
鵡杯一笑真能契無染不妨遊戲挾霆雷

偶書

白晝談禪木上座清宵同夢竹夫人此心莫逆仙宮
下一片乾坤特地新

王道人云彥和得報有歸田之命

道人新自象州來殿院從容得屢陪坐上拆書歸有
目愁容忽作笑顏開

醉者

至化無私被遠方渙樵誰不似顛狂得錢沽酒爭酬
酢執手高歌入醉鄉

商丘

列子載商丘之言曰人欲見其所不見
視人所不窺人所不窺欲得其所不得修其所不
為予心感悟
遂作此詩

視人所不窺修人所不為奉以無愧怍商丘是吾師
勉祖道修子羨祠堂

工部云亡幾百年精誠如在有遺編筆追六義回千古名薄三光亘九天師法周流寰海內祠堂落莫楚江邊長官風化尊賢急想見丹青復煥然

追思去歲今日出京有作

癸未六月八日作

解舟東下出都門倏已彌年詎可論聖主只應憐舊物歸歟朝夕被深恩

讀易

時時飛雨作清涼六月南方似北方閣上獨居無一事常編聊復到羲皇

偶書

白髮倚門無限情江湖渺渺秋欲生回船挨柁見歸路天道無私憐汝誠

王氏閣舊名拾青郡守王藻以余寓居易名來僊

僊宮嶺下來僊閣太守更名爲我來來既有時歸有日冷然從此御風回

偶書

形影相隨甫半年皇恩今日放歸田回頭一夢驚初覺敢把窮通更問天

又

阻奉晨昏寧孝子竄投荒遠豈忠臣今朝恩放歸田
去留得遺蹤整後人

喜書

水北摘禾將欲了水南發瘴已皆安愔然回指瀟湘
去感激天恩分外寬

記夢

夜夢在省中堂吏持印紙圖來呈圖上所貼姓名凡三十餘人

卜筮俱言七月嘉夜來魂夢更高華此生豈復公卿
望惟喜斑衣早到家

聞仲殊長老化去甚異

逆行天莫測雄作瀆中經漚滅風前質蓮開火後形

鉢盂殘蜜白爐竈冷煙青空有誰家曲人間得細聽
感懷

去年今日別庭闈回首庭闈未得歸天道人心會相
契歸歟行即被恩輝

追懷去年今日舟離潤州有作

飄出丹陽恰一年江湖陳跡慨茫然明明歸路留雙
目只候恩書下九天

自歎

好學顏淵怒不遷犯而不校古稱賢伊予物觸心猶
動空撫陳編倍赧然

主人忽來夾徑修籬

踈籬詰曲巧依山洞徹柴門氣象還恩釋羈留應有
日故先通路指鄉關

大風累日不止

上禾謂熟時禾風蓋

昭平八月稻禾風吹盡浮雲露碧空日月從今無障
礙光明照我入天中

九日

歸田日日望恩光今日尤思返故鄉淡飲三杯菊花
酒何妨隨俗耳重陽

送擇老赴桂州龍華會

罪大投身瘴癘鄉親年老矣重難忘龍華會上俱賢

聖為藝精誠一炷香

觀牡丹

去年寒食已為客今年寒食未還家春前莫負一杯
酒山後聊觀三朶花

送希古

清都不敢夢中遊何況通明侍冕旒分手知從天上
去望雲深感嶺邊留三年瘴癘精神在一日功名聲
歎收驥足風生誰絆得綠楊芳草謾高樓

攬秀軒

觀書已若觀山水今更開軒山水來岌岌蛟騰日月滔滔魚躍起風雷二儀歛向胸中集萬象都從筆下回只恐高深亦欣覽秀才尤秀出塵埃

簡君瑞覓竹葉清

通道三盃如李白解醒五斗似劉伶爾來心渴鴨頭綠應首嘗露竹葉青

君瑞酒來用前韻

蟾影舞花真窈窕江風吹竹是倫伶開壺日月欣浮白放眼乾坤得倍青

聞正夫遷門下

促膝論心十二年有時忠憤淚潛流未聞一事拳拳救但見三臺每每遷天地豈容將計免國家能報乃身全它時會有相逢日解說何由復自賢子竈新州事

開牕

兩師風伯倏回車今日春工得自如牕牖洞開除障礙盡教風景到吾廬

對牡丹

輕雲籠日雨收塵天作奇花照眼明莫道嶺邊無好

事中責命之册經由也及予召還公已遷禮部侍郎一日見訪自言向時責命甚處更不候簽書行之且指天作誓以明不欺意謂若來簽書必須封駁耳

况吾今春在洛陽城

聞鷓鴣

默默炎荒已歲餘音書那復阻三吳晚來何限青天
出獨倚欄干聞鷓鴣

觀插田

幾片空田白水中朝來俄已綠茸茸自憐於此留居
久兩見插禾勤老農

佛前筍

寓君閣上忽於佛前生五筍甚可愛
地主云閣成今年隱築堅實溝壑

深閣未嘗有此州人傳之咸
謂吉祥為予教也作二詩

基構于今政十年不容山竹暗行鞭林然五筍自何

出盛矣又邦相與傳

和氣潛通無間斷佛光回照有因緣恩書不遠歸期
近已覺斑衣色倍鮮

寫黃庭

來仙閣上道生庚芝滿丹田筍鬱青不為換鵝為物
役焚香閑自寫黃庭

黃庭窈窕在吾身洒掃塵氛集萬神但自精誠如一
日莫愁金闕不高真

高真元是世間人能密樞機到上清天地有終吾不
老環剛猶得度群生

研生何事自營營浪以三元作五兵未及殘人先自
賦幾時事得見升平

升平無象亦無名翼翼巍巍拱玉宸流澤自周人自
樂普天同入萬年春

榕樹

榕樹能容故得名枝條環布若高城何當種滿彌天
去永使青青此萬生

寄陽行先

曾以高風入冕旒未聞釋未起南州官緣我罪長荒
逐亦使君身得滯留萬卷功名閑處立一點境界許

中收它年太史無虛美卓行還能與祖侔

聞王呂二公罷郡皆得官觀

如謂可見矣而今亦照去雖輕
重命數不齊要之畧相似耳

庚子同災知幾人二公華顯獨超倫比聞貶責祠宮
未始信推移運數均勢冷有官猶是貴居閑無祿未
為貧頃知削籍投荒者惟望歸歟作幸民

以常寧鈞鑪合供政首座因用舊韻發一笑
十年流落見無由誰識江東有趙州憑伏爐煙寄消
息定中應亦展眉頭

聞政公住庵將成輒以尺牘名之并寄絕句

縱橫參了祖師禪
唱還鄉信此緣
粥飯年來一齊
足不妨和束帶刀眠

招政首座

高歌一曲破還鄉
只麼隨緣是道場
已向承天設雙
榻待師同快竹風涼

道鄉先生鄒忠公文集卷之十一

道鄉先生鄒忠公文集卷之十二

詩

有感李彥弼雜詩載嘉祐中與遊人僕還白

言嘗見數道士相謂曰知至道者天不殺
服元氣者地不滅因誦此故生衆方驚異
忽輕舉莫知所在予平生遇人指教數矣
不能勤行之觀此有感遂作詩以自警云

真訣由來甚易明
惟人用志不精誠
從今謹事先生
語何患無階朝玉清

紀夢十二夜夢孫夢臣報予已有賜還之命
後三日夢臣有簡來云昨夜夢予遣人

論以得移信
州豈偶然哉

夢如符節自然合
言事有開斯必先
天地無私人主

醒孤臣從此望歸田

母氏誕生之日得家書喜不自勝形於鄙句

萱草留春瑞氣長二年吳越杳相望鑪煙正起依南極鄉信俄来自北堂委曲備聞逾獲寶歡欣遙想盛稱觴人心天意端如此行矣歸寧慰壽康

讀林醇中書

醇中書祝云惟絕欲平心調飲食省思慮則邪不能干此非公

自重乃為天下蒼生重也

天下蒼生如我何故人猶祝保天和奉親志意得歸路報國功名還釣叢已分息心隨飲啄不應平地起風波瑠淫欲報安能執空向秦淮悵望多

讀錢濟明書

濟明云窮絕之域有書可觀否不爾則日月之徒雲烟之變皆

吾方冊也言與不言皆與我會書何足道哉

無書可借即捐書日月雲煙見未除言與不言俱是着損之又損亦非如琴邊酌何關酒濠上從容豈在魚為報冰華老居士吾今無欠亦無餘

讀袁東之書

袁書云常器之常言人生游藝無如讀醫書其益尤多又云

官陝西讀千金方一過極有所得敢以為獻

人生游藝亦多端莫若醫書可縱觀曾向千金深有得孰云三界果無安忘懷已自祛災瘴寄語尤知篤歲寒敢不拜嘉勤輔助保全歸去奉親歡

讀從外祖書

從外祖張牧之云惡固不可為
為善復如此惟學事節約而

己

善如平路惡如巖底事前人浪自疑方寸但令無愧
忤彼蒼何慮有偏私流言聳動知公旦削迹竒窮見
仲尼事事存心惟節慎大哉斯語是吾師

紀夢

頃夢侍上左右如平時上方作
字處以筆付浩曰賜卿此筆

玉色照清都孤臣亦侍書叨蒙一筆賜恩似五年初
竄逐雖云遠精誠自不疎皇心定垂惻行獲奉安輿

客惠團茶

久矣去清班無因預匪頒殊方得高義使我失愁顏

月滿浮雲散龍飛瑞氣還炎氛自辟易歸路見鄉關

移夾竹桃

將謂輕紅間老青元來一本自然成葉如桃葉回環
布枝似竹枝羅列生蘭助珍羞香不斷豈留喜意色
方明更移此本家園去歲歲花時獻壽觥

聞茉莉香

日收炎照沈沈去月放涼光冉冉回茉莉一如知我
意併從軒外送香來

青琅玕裏白玫瑰不受塵氛天自開最好夜涼初雨
過清香習習向人來

閑步

不出柴門半月強
偶隨鷗鷺到池塘
荷花蓮葉薰風
裏一似去年無限香

鑒華亭

群芳移自嶺南州
要使兒童慎厥修
看取逐時花爛
熳即知當日罪拘留
黃茆瘴裏誠難脫
紫極光中偶見收
汝輩但將吾作鑒
勿愁忠孝不優游

戲綵堂

歸田日月有光輝
相與承顏家正肥
萱草叢高明戶
牖棣華枝盛照庭闈
年年歲歲歡常在
子子孫孫志

弗違從此鄉評知
品目風流不愧老萊衣

不着朝衣着綵衣
歡然膝下永相依
兄弟同真樂物物
人人共息機
三釜晨昏歸省定
一時表馬任輕肥
長爲不施其親者
免被無窮有識譏

讀莊子人間世

卮言吾久得南華
每一開編一歎嗟
塵表物從何處去
人間世自莫能加
不知養虎但生事
未始有回真作家
此意予今妙相契
却慙書讀謾盈車

偶書

未始有回無不可
焉能

亦何傷得師雖晚猶堪

救萬事紛紛付兩忘

聞俞清老遊天台

不作寒巖枯木身又隨雲起別蕪城大方廣寺果隨
喜苦集滅人應奉迎山色何如霍山色溪聲孰似偃
溪聲莫教却被阿蘭笑此箇老翁猶相生

岑老書云遠老法堂上草深一丈矣

建隆無復舊行蹤石塔開堂得遠公衣掛六鉢收法
界草深一丈見家風也知是汝遠獅子不分饒也
大蟲何日揚州船子去木蘭花裏問真空

寄上方安老

西亭會面即移船跡掃青青翠竹前目擊已知心照
了對談何必日留連禪堂仙閣誰三界嶺月淮雲自
一天偶此詩成更吟詠飛來鷗鷺亦欣然

敬超先

此地憑熊幾使君敬公名姓獨超群不因健筆曾推
美縱使忘形豈得聞詞翰莫窺真體要江山猶帶舊
風雲我來千古惟真義追想區區只自勤

拾遺流落困埃塵海內忘形有使君長似漢中情義
爲不同常侍死生分一時燥濕知難變萬里經營想
更勤管鮑不忘公亦在高風猶得後人聞

寄子敬

梅花春裏送君行

冬至前後梅欲開暑熱常土人謂之梅花春忽已芙蓉

照眼明握手定須酬

故約憑欄猶切念高情下惟靜

與忘言會扇枕涼隨

喜氣生只恐懸懸亦知我有時

清夢到昭平

寄蔣彥回

澄庵一別兩炎風回

獨瀟湘與莫窮木登雲山常獻

瑞鼎收龍虎妙成功

木丹藥皆彥回貴行之物精神迫出拘攣

外日月都歸笑傲中

聞說芝園轉增勝杖藜行欲送

芳叢

寄朱彥明

義薄雲霄世幾人零陵邑宰迥超倫能明聖主恢洪

造曾見童兒謁紫宸衡嶽深蟠心不動重湖閑寫惠

常均別來眉宇知何似日冀恩還得款親

寄霞老

聞說高山寺崇寧賜額新長為祝聖地無復寓居人

佛殿焚修肅僧認掛搭頻西來祖師意從此出埃塵

伯和見過

叅軍跋馬瘴江濱一笑相逢忘轉親偶復回論前日

事恍疑身是隔生人風隨玉塵傾新蓋暑避冰姿返

舊輪八桂森森照歸路為君留飲判經旬

貫道

沈冥誰復似當時九陌塵中偶得之
潔已已能成玉雪為人猶自作蒼龜
門前車馬喧喧過室內乾坤默默
知一語不隨人事變與君陳闊豈無期

寄道林琳老

寶所從來指道林人間天上揔回心
自他初不遠端隔悲智常隨願力深
風帶洞庭供爽籟雲携紫蓋獻層陰
會湏一辨旃檀去四句偈聞師子音

寄祁陽義明

散軒蕭散萬緣空寂爐煙駐曉風
賓主不知誰合散江山何許自西東
有時黃卷倚龕外無數碧雲生
句中好是心如大圓鏡光能照我路
岐通師嘗推予命言歸焉

驗果

寄長沙何子玉

一甌難忘雪雲輕濯盡氛埃徹骨清
瑞氣遶龍應浦意薰風留日正多情
黃金照地人間肅白鶴飛泉物外鳴
只待五湖歸興動扁舟擊浪去尋盟

寄公安令孫仲恭

得君寧獨為葭莩兩度湘中捲我殊
兵擁渡江猶繼

卷一
道林集卷十一
七
縵馬催離寺尚躊躇
萊公廟北民歌魯賈傳城東地
入吳會面不知何日再但觀休顯繼龍圖

寄華光仁老

越州刺史越州僧曾見龍華同會人
偶向祝融峰下過便從香積鉢中親
毫端寶刹重重現句裏藏機一
一新正是連天鴈回日此心先已到江濱

敷文

赦書該得盡量移君到衡陽適及期
將謂南徐須近便那知北望尚羈縻
人情既久應相好氣候無它亦
自宜造物此心君會否少留同我返茅茨

聖欽

人生相得貴知心况復鴟原有斷金
但使出墻非異趣何須會面乃同襟
藥裏竒動蒼生念茗坑旣招回梁
甫吟早晚鱸魚促歸去為君聊駐馬駸駸

正彥

東堂當日偶差肩屈指今逾二十年
君作長官鄰邑內我為遷客此江邊
時乖出處宜安土道在窮通莫
問天只恐類宮真拜勅無因重獲奉周旋

送米

甌中如見欲生塵不待人言廩自傾
雖阻刀貝歸同子

路且知書帖異真卿鄰僧市井應無迹野寺塔除亦
有情却想萬鍾安享者孰云天地極均平

鼓腹從今得果然不須稱美道州前一簞頌異山雌
意滿鉢還同香積天糝作藜羹誇舉挾剖為釣餌戲
沉淵只疑好事傳將去飯顆興嘲有謫仙

數畝非無負郭田川途脩阻故蕭然得君_七逸勝子與
友使我非無漂母憐未擬更求佳傳報且_七先分當酒
家錢親朋只願長相見歸飽豐穰不計年

食荔枝

曾向新州食荔枝黃堂酒罷即言歸含香_七謚王還相

遇定是恩光照客衣

種荔枝

高堂懷核謾栽培一一紅根破綠苔携入鄉邦吾第
一風流知自嶺南來

遺酒

載酒來過亦可憐持盃先已口流涎香澤_八桂風光
勝波動兼金月影圓共醉有時依竹卧獨醒無復愧
漁船此中天地尤安穩莫向塵埃盛處傳

道人徐清自南來彥和瑩中才叔並令寄聲
吉語傳來喜可知豈無神物共扶持但憐_四載遭三

黜偶與三公作四變海上颶風應驟息嶺邊炎瘴亦
潛衰相從會有還歸日却向江鄉話此時

灘聲

江流隨落復隨生巧作灘聲入戶庭六律五音無不
有人誰如我飽魯聰

喜雨

午夢初殘日正炎坐來滂沛瀉高簷涼生几席心如
水聊拂塵編理舊籤

思聊齋

穎宮聊爾耳卒歲亦優游昔已騰佳譽今應屬勝流

竹聲鏘密雪桂影弄高秋爲爾猶牽思天涯一轉頭

寄鄧德甫

高山頂上偶相逢千尺孤松霜雪中不可親踈直道
廣未嘗喜愠信心空衡門笑詠塵方遠太學聲名日
自隆行就車頭艤歸楫擬將周易問窮通

偶書

吟罷新詩復自譔欣然一笑靜中超鳴鷄吠犬芭蕉
外欲與論心不可招

寄元老

琴邊聊現宰官身回憶來仙尚有情烏鵲遠從簷外

集鯉魚成向眼中明閑將永日供黃卷靜納書嵐擢
紫英更得香山巧相對一如眉宇照人清

欲知別後事如何門巷蒼生雀可羅偏稱解衣槃礴
羸貞爲靜處薩婆訶鬼神密護爐中藥風雨深藏壁
上梭惟是葛藤猶入念有時西望笑呵呵

得廉彥書

九曲池邊見老僧君爲前導啓重高十年空憶揚州
夢萬里遙瞻長者形龍斷冥心同委吏天涯隨分作
孤星何當鳴指相逢去珍重楞伽四卷經

元老寄惠香山

毘耶居士有神功斷取香山置掌中五分普令薰法
界一時俱送與仙翁巖頭雲澹暉暉日洞口煙橫細
細風可但吾心今莫逆香巖於此獲圓通

道正移蘿那來

仙家春色不曾空亦有蘿那口暖風丹桂葉舒誰重
碧蟠桃花散避深紅儘教帶土培軒外行欲移想過
浙中最好高堂歸壽年年光映棗花藜

題慈德寺願堂爲長老宗顯作

龍隱巖前忽轉頭脩然瓶錫此淹留十方法界元無
限一片心田自有秋草木曲躬歸白足江山依位拱

青眸我來不問西來意獨喜茶香啜滿甌

白龍洞

洞門寂寂晝常陰誰識行天濟物心金翅影沈超永劫玉毫光現契圓音滂沱普潤三千界靈慧濃興一萬尋天子六龍方在御不應頭角闕幽深

簡何秀才求龍眼栽

頃年曾食荔枝奴補益令人智有餘聞說君家多此木可能分榦入吾廬

汨羅

忠烈雲亡幾百秋汨羅江水湛清流是非折衷無夫子直至如今口未休

讀郭有道傳

隱不違親與俗通危言西漢論忠賢月中紛紛禁銅名者何事全無有道風

聞市中遺火殆盡

市井繞如一小虛更堪回想掃成墟從今已第知何有百煎江流瀟野蔬

錐刀利害日相摩生火由來勢自多咫尺長江水何限不能飛灑奈炎何

何暇從容白丈人火道這纒定紛紛徒薪曲突非無

策自是當時藐不聞

來仙閣

偶向人間作謫仙
倏然來此住經年
君臣鼎內重相
合日月壺中獨自圓
過惡已除丹簡上
姓名猶在紫霞前
一朝駕却飛鸞去
留得風聲舉世傳

玉虛觀

山腰制作邇來新
參蓋繞終便掩門
獨歎紛紛羅祀
棘老君寂寂看雞豚
煙凝壘噴為香
道人風韻疎松竹
道言借問羽衣何處去
一齊歸屋抱兒孫
士人以歸家為歸
存之

品目從來號知囊
保身何事缺從防
青錢得謗白東府
白簡絕愆到北堂
朝散郎應無所惜
太夫人豈不憂傷
平生盡入禪師室
到此方知道力強

澹山

目擊何人妙得知
謾携斧子住巖隈
銜花無復鳥興
供運木有時神倒栽
文室每思雲外去
蓬山長記雨中來
憑師更展慈悲力
早使回頭一笑開

太平

大施門開陸海中
一時緇素許亦同
縱橫只見山河
露消息寧知車馬通
帝網重重入寶刹
法輪日日轉

龍宮何當去作龐居士笑指庭花問祖風

勉蕭尉秀實別刻磨崖

秀實欲於中興頌
磨崖別刻以待打碑

之人廢幾舊字
可完傳于永久

忠義能令金石開至今凜凜動昭回彼蒼欲作無窮
計此事欣逢不此才淨掃煙霞留健筆巧分鸞鳳過
崑臺亦宜愛日成君志側席知名即詔來

高山

莫道高山太古錐欵令金碧照崖巖鬼神通未必輸摩
詰眼淨方能識萬回捧打室中紛似雨鼓椎堂上吼
如雷天長地久君王壽從此宗風亘未來

呂四 零陵市戶呂絢 錢二百萬造
一 大舟月俟予還送至浙中

市門風義有誰知旋打長船待我歸秋入江湖正瀟
灑歡然鳴鴈去如飛

搖轉無頭順碧波日行五百未為多三湘二浙雖遠
遠尚及家庭賞菱荷

平生親友謾紛紛有幾書來寂寞濱二十萬錢捐不
惜下樓湖外有斯人

為雁雁正北飛為傳消息到底闌不須過作風波

慶已有新船穩送歸

滿船起棹出江湖日日乾坤展畫圖白酒紅魚對妻

子鵠夷還似此行無

道鄉先生鄒忠公文集卷之十二

道鄉先生鄒忠公文集卷之十三

詩

聞王若愚除桂帥

鸞臺鳳閣並門居同荷先皇獎眷殊諫草悠悠空皎
日年華忽忽幾青蒲朝廷擇帥君來越鄉里容身我
念吳萬事循環揔如此目前何必較榮枯

寄清老

自來漁父好家風一片瀟湘晚釣中伊昔放言知莫
逆于今親到得參同金章寂寂殘初夢汀草依依照
短篷德秀雖亡次山在悵回青眼送飛鴻

覽鏡戲作

寒時驟熱熱時寒一等陰陽幾百般髮脫面黃肌肉瘦此人應作嶺蠻看

又

赤脚蠻中過一年受持讀誦日精專只應果滿同諸佛丈六金身色瑩然

元禮

來往憧憧多故人幾能於此款柴門紅蓮綠水還初興青草黃茅得細論陡覺炎氛開日月坐令爽氣滿乾坤匪朝恩錫歸田去只恐煩君費酒樽

元禮乘漁船見訪作此戲之

一棹脩然一幅巾汀鷗集處亦逡巡功名正逐天機露不似釣魚船上人

九日追和去年所作

茱萸黃菊占秋光休歎佳時在瘴鄉飲罷此身歸有日明明天子正當陽

清華閣

泉石清華世豈知蕭然無是亦無非二年於此陪鷗鷺救得閑中勳業歸

讀論語

仲尼初不離靈臺請業門人日日來一念回光是論
語句須塵簡面前開

謝仁老寄所畫李長者出山相五首

虎腰黃卷動昭回無數人天心眼開不是機鋒妙相
契是渠那肯出山來

其二

香雲郁郁覆江城來現開元長者身八十卷經都論
了却將無說示當人

其三

碧潭秋霽禪師筆白月天空論主形是幻是真分不

得爲人重說互嚴經

其四

貝葉卷文無表示於菟曳尾不求憐昂藏豈是維摩
詰終日相從也默然

其五

一真境界孰能免賴有斯人作指南更賴殷勤招喚
得不知流落在煙嵐

欽道

誰謂南方世乏人斯人見義若風生吉凶禍福略無
惜父子弟兄同此情袖裏珠光携合浦曾中潭影到

昭平它年野史誰操筆定以青編著姓名

讀張氏金塘阡表

也同年正彥之父所築處表乃程忠彥所作

六筆從來不安褒特於阡表勇揮毫當年種德已如此今日里門宜自高雲帶洞山常藹藹雨鍾明水轉滔滔追祭更有豐碑在行矣巍然壓巨壑

聞周仲修復致仕

繼述嘉謀聖主知拂衣緣底便言歸往而能返非難事安不忘危是識機西子扁舟藏國艷鱸魚一筋出江肥公乎有地相容否纔脫拘牽去似飛

聞朱世英再知江寧府

歸領真祠未幾時牙兵重展舊旌旗向來孰不歌來暮今去歡然釋去思竹馬渡江騰駿足甘棠拂戶動高枝鍾山只恐遽初興徑入鵷行侍玉墀

示長卿二絕

懾屢炎荒已二年親朋書問亦茫然獨君風義能終始不管煙嵐肯著鞭

其二

一別和州二十年山長水闊去無緣因君說起外家事特地欄邊心悵然

示二黃

摩尼超出衲衣中五色隨方照不窮八萬四千清淨
眼一齊開了見真空

夜聞鳴榔

鳴榔聲響五更初恰似京城叩木魚夢裏猶疑赴朝
晚幾回驚起攬衣裾

文

漁人於我本無情我自情生夢裏驚驚起却眠方記
得新條不得到京城

書喜

仲冬月吉吉可知日南長至恩光期一陽火復熾內

健八陸圓壇嚴上儀玉輅回鑾天倍喜金雞肆赦人
均禧倚闕朝夕可寬念綵衣歸去今其時

喜晴

一陽初欲與時亨便覺群陰不敢行寒雨斷飛天皎
潔冷雲收翳日晶明泥乾履齒都無阻氣協花心倍
有情天運回旋吾道長欣欣此際孰能名

仙宮廟

千仞巉巖一徑通可捫天處是仙宮婢娟並席誰家
子縹緲吹衣萬竅風初月淡籠眉拂拂晚雲低透鬢
鬢懸邦人不復知端的但說常能助歲功

周御史廟

忠言直節動天聰名在昇平北斗中陰德久宜家有
後光靈今與國無窮庭前烏集當年栢門外風生舊
日驄公不世情應我頌一觴聊復以誠通

龍興觀有感

自罷龍興節人間幾歲窮偶觀塵榜暗追感御爐穹
萬事遺高躅三清肅下風鈞天在何許猶冀夢魂通

枯荷

萬頃菱荷一荒駢頭相倚卧池塘追惟弄日搖深
綠不謂凌風折敗黃飢鴈飛啣投遠渚寒魚浮觸動

斜陽那知凜凜梢雲者自有松筠傲雪霜

關步

同長卿壽立

冬來風雨併今日偶晴明况是親朋集聊將笑語行
青雲隨步武朱鷺入逢迎無限欣然思都隨指顧生

泛舟

乘興扁舟過趙村滿家灘上水連雲欣然便欲尋源
去織女機邊日未曛

又

風淨一奩水鏡雲開兩行山屏白鷺亦知人意飛來
佇立寒汀

登鵬高亭基

野燒無蹤知幾年故亭遺址尚依然
巍巍穩據山千仞渺渺前當水一川
地展雲衣深固護天回松蓋巧
周旋重興棟宇非難事坐使風光集綺筵

銅池

勻疊灘頭碎石滿添江面清流聊向箇中兒戲不知
何處塵浮

示長卿

君與我同庚子生連年憂患亦縱橫
天高休說不可問心下直湏深自明
運屬時雍人正樂祀嚴郊報禮
初成滌瑕蕩垢知多少行矣欣欣木再榮

送長卿

有口如鉗方鮮語無心似水始能思
盃中一片閑天地占得新陽君與知

陽朔千山與萬山生綃圖寫北人看
君今款段穿雲去莫厭崎嶇行路難

陽朔路

雲裏峰巒千萬重中間一路與天通
新陽已約為前導回我車輪朝帝宮

寄長卿

烏銜霽色朝迎馬蟾吐澄輝夜照眠日月於君已知
此不須星曆問行年

偶書

朝天坊裏朝天客拱北軒中拱北人惟有蒼蒼知此
意只應潛爲啓巖宸

寄參寥

雲岫庵頭掛鉢囊梅檀一瓣自馨香建隆消息天然
別妙總流通筆放光南嶺梅花空自得西湖漚鳥窠
相望師如水淨吾如月照入清冷知有方

上東門外解舡時赴感汝陰師未歸松塵對談能幾
日瘖鄉孤坐但忘機珠騰璧社淮南冷山折成都蜀
道非屬耳朱絃誰莫逆只應袖手看鴻飛

喜捷應方成

上醫醫國有誰知且集方書捷用之疾苦一齊安樂
後自然遭遇太平時

他處梅白十月已開爛熳獨此今方作花觀
之欣然

驚怪江梅獨未開含芳元是待冬來新陽夙駕無多
日已向枝頭各自催

東君消息到梅梢滿眼輕盈漸解苞遶樹更忙須百

匝行看新樣插雲髻

梅將喜信自天來
光動書樓趁暖開
花比去年真箇好
一齊欣送我儂回

治梅圃

只有今年對此花
此花欣送我還家
呼童掃溉放花出
作意相從歸去誇

中間籬障壓根蟠
四面荆榛逼樹攢
今日削除隨手淨
放梅高出紫雲端

放竹雞

鼓翅出樊籠
雙飛意氣同
便鳴泥滑滑
深應竹叢叢

善也還天性
時或屬感豈
七人情已得
寧復墮機中
拱梅亭

陸沉無復似當年
高壓雲根氣象全
四面山川趨指顧
一時草木避蕃鮮
垂簷非實須歸帝
起檻龍香必動天
自我發揮人共樂
風流從此映來仙

懷長鄉

香醅新撥一尊濃
准擬君來笑語同
緣底留連過初約
憑欄日日望歸蓬

深情知在霈恩邊
肯為閑花醉後顛
不是看山駐陽朔
即應倚擔待長舡

小樹

一株短短八九寸四面青青千百枝作供佛前借瑞竹移根石上入銅池

小雨

梅圃初成塵土飛早來煙雨便霏微天時人事欣相得可驗蒙恩朝夕歸

聞吳暉取逐朝

庚子頻年憂患同君依墳土我飄蓬聞君已復雲霄上顧我頃逃一雲霧中學校它年齊出處朝廷今日吳窮甬散盧歸去無他事惟願時和歲歲豐

燈花甚奇

草菽今朝鑠北門燈花來報我蒙恩巧當樓閣中間立高出光明幾次繁遠絕雖然如異域生成本不間孤根此身由荷乾坤力仰蒼洪私它日論

山禽

一鳥飛從何處來歸去歸去聲聲催爐煙正自山閣起天意欲從雲路開三年至日阻為壽萬里膝下今嘗回迎祥拜賦不勝喜滿引賀酒千百杯

用老杜至日懷太白韻懷諸弟

羅拜為親壽遙知亦我思陽生萱草色心入棣華詩

帝澤來非久萊衣戲不遲為言多置酒歸趨賞花期

懷舊

辛巳年冬道守駕行朝從太廟出青城雪迎天仗徐徐
舞日向龍顏淡淡明不待銜枚人自肅惟觀夾道喜
相仍今朝倍復如初盛遙拱神京空此誠

至日依韻和老杜五首

歲月驚馬如弩設牀千官壇下又成行
燭紫香馥六變垂裳端誠無
無因預想中天瑞氣三
蠻風吹

竄孤臣尤切望今還金雞歡動欄干外
絲服光生骨肉間歸去此息何以報
惟將香火祝南山

黃宮初氣重氤氳喜色朝來便着人
知有歸期親望我更無它事我思親
堂前獻壽開金盞嶺外家恩戴
玉宸一笑承顏勝六印功名豈復羨
儀秦

堂闕無復守門催散曉雞聲喚起來
一炷壽香瞻白髮三盃賀酒寫紅灰
看棚尚倚天街柳恩信先通桂嶺
梅但喜奉身歸膝下自餘皆是魯
禽杯

慙愧君恩似日長終然傾否肇三陽
休息往事追華貫且喜餘生脫瘴鄉
俛仰自如誠自二守且早相守免

相望外炎內熱從茲盡別是人間一味涼

同仲百會長卿觀梅

雨後江山欲放春更無一點舊風塵
對花言不飲一
錢却忍梅花解笑人

同長卿梅下飲茶

不置一杯酒惟煎兩椀茶
須知高意別用此對梅花

張紉惠吳洞簷

茶選修仁方破碾
簷分吳洞忽嘗宜
正言謨遠共知
作試取一瓢江水煎

次韻和荅後巨見語之句

瘴癘侵凌鬢髮歎垂鳳凰飛詔下天涯
有如病骨將枯
日忽遇靈丹躡彩霞
赫赫千齡方啓運
熙熙六合共
為家此息碎首知難報
空感來篇似永嘉

次韻和李學文所示二篇

材氣無雙是隴西
扁舟還指舊山溪
非關呂覽難更
字要使班輸別造
梯塵外光陰歸作者
道中消息在
寥寥兮它年峻捷黃金榜
路入三吳手重携

大明端拱赭衣紅
正想豪英入彀中
但使學優迎命
達莫將年少歎途窮
三秋水闊魚依藻
一日天高鶴
出籠持我此篇歸
獻壽蒼梧歡動曉來風

移漢陽

漢陰丈人澤鴻修漢陽居士逍遙遊中分漢水共天地能別此心惟白鷗

書

幾年之與言出遊今日歸航駐水濱天亦有心酬我頭欲雲以得日光新

三峰閣長共六六巧由來未易量我欲移歸殿前

去博年二載遊三王

春沉雨吹風轉更明應是天工醉時

美畫真物墨尚縱橫

長壽寺

山名聞天下山前乃無亭宇少延

丹青一筆必無窮萬古長如初畫時濃淡乾坤偏掩

映老僧雲霞巧追隨深蔽塵表天元愛不到炎方世

出空處出高亭快人目捨君風韻更誰為

小舟控上

船頭鑿入北來風繼日連宵閉短篷多少峰巒多少

意一齊收在枕屏中

登碧巖寺盧舍那瑞像閣

樓閣門開處處通毗盧出現眼光中為人重說二愚

品巖下灘聲西北風

我自南方稽首回大千經卷出塵埃十方三世都圓了
了盧舍那尊金色開

我住蓮華法界中塵塵刹刹本來同旃檀一瓣聊與
供吹滿巖前萬竅風

與夢立行入長安虛

恰到長安風色晴一條石徑坦然平與君曳杖尋虛
去全似仙宮嶺下行
久不上船思上船偶然縱步是長安何須更望君平
卜但把虛名子細看

斗米灘

灘在桂州南六十里俗傳古有僧自遠來者近桂人也舟派灘不可上餘

糧一斗食之既盡乃登山望故鄉化而為石至今絕項有石如僧立之狀

粥飯都來一斗糧灘前喫了倍蒼黃把如立作山頭
石何似急行歸故鄉

得門山

揚子江頭舟楫回海門山對潤州開故鄉歸去六千
里先入捍門山裏來

過雉山

客睡當年託雉山杜鵑聲切枕難安今朝歸向山頭
過不見杜鵑空夢殘

苾芻曾向定中觀，謂我南遷便可還。過了三年方語
驗，聊將一笑謝禪關。

示齋堂長老如曉

十二年中獨自春，應緣還現壽寧身。南方衲子聞知
否，便是書龍舊主人。

三閩誰復識黃龍，大施門開振祖風。無限人天無限
眼，一齊回向寶雲中。

師在與安我，在昭幾年相望。但雲霄誰知小，忽大
過六折言業帶業燒。

示齋堂長老善資

五七兩字百和短，地久祝斯年太平。一曲憑師
言響，獻時萬古傳。

獨云峰前送寶，空令熱惱變清涼。人人認得長安
路，珍言蓋過一川香。

與宗商正資長老同宿覺華山安福寺

覺華山下古燈台，鼎足蒲團午夜同。但有雞聲替鐘
鼓，更無僧影到簾櫳。有情迥出忘情外，多語都歸妙
語中。轉首是誰南與北，庭前檜栢亦生風。

夜登台光亭示主人莫亢

亭據炎方第一州，旌旗曾向此中留。台光不逐春光

改花影長隨桂影浮誰謂嶺雲收白雨偶然莎徑入
青眸它年南北遙相望應記忽忽秉燭遊

留別興安唐史元老推官

天繪亭邊三載夢石灰鋪裏一時情箇中不是同參
得曾次崢嶸何日平

風前火烈逢真玉雪後大寒見老松誰得此心歸北
去與君無處不相逢

幽居不許穿雲到寶閣仍忘破曉登多少從來疑着
處一齊分付打包僧

留別龍城山主懷義

陽朔千山復萬山最深山處是松關新詩吟罷無餘
事一片真心雲共閑

仙閣龍城一望間每來過我不知還汀鷗猶集欄干
外應惟從今氣象閑

好事如師豈易逢不辭趺足訪行蹤揮殘塵尾知難
再目斷碧蓮峰外峰

青天無礙本來同休向江邊動別容師似碧潭吾似
月東西南北總相逢

三車黃葉止兒啼一句何人妙得知今日為師重說
破蒲軒風靜月明時

道鄉先生鄒忠公文集卷之十三

道鄉先生鄒忠公文集卷之十四

詩

寄巡鋪溫曉侍禁乃杲之弟也

幾日長亭復短亭
霜梅夾路喜相迎
風光總屬君家
管霽色偏隨馬足生
老酒盈杯誰款曲
少陵佳句謾
分明回頭安福前
曉八桂蒼蒼無限情

山行示同遊

碧雲堆裏共徜徉
莫厭捫天帶夕陽
遊徧桂州巖穴
後更無閑夢到南方

東山

我是來仙閣上仙天教飛鶴過山巔松篁為我生清
韻一似薰風初入絃

又

七星峰頂絕纖埃不負煙霞雙眼開昨日湘南遙指
處飛騰今向北中來

寄題妙峰閣慧照堂

此
堂藏
主授
業院
有閣
有示

妙峰閣外雲收翳慧照堂中日放光大地山河都見
了此心聊寄一爐香

葉筠元禮留飲

天造移居漢水涓嶺邊欣與故人期紅燈暖照金波
盃全勝來仙閣上時

其五

殷勤留我共清尊無限情懷子細論天色亦如人意
好晚來星斗滿前軒

寓壽寧方丈州人求識面繼來焚香作禮戲

呈曉老

維摩丈室一張床暫寄清宵夢幾場却被閑人作禪
看競來合掌爇焚香

戲靈川令王洵仁仲

長官貪着祖師禪有甚心情問我舡一隻逃歸兩隻
破謾凭江檻望靈川

示仁仲

槎頭一別十經年月照并茅夢不圓今日北歸息賜
與相逢如在四禪天

其二

一根燒筍共分甘鬢鬢尚半漢水南红柿鳥殘無此
意前三三與後三三

次韻和仁仲滑石鋪泉軒

官心事古人前碧玉峰巒碧玉泉洗出北歸烟瘴

眼光明欣觀太平年

假寐靈川報息寺

故人猶在驛亭邊暫向雲房借榻眠漏泄祖師多少
意松聲都到小牕前

示春陵顧林宗

寇公樓下釣魚舡橫絕晴波已七年避逅蓮宮論往
事恍疑同在夜摩天

見魯直題陶商翁碑後有感

碑在興安

石上猶新墨忘情亦嘆嗟殊息但歸骨冷迹尚平沙
顛力消塵垢瞻依盛寶花人間幾行淚空洒玉川家

入湖南界

踏着湖南境界新展開天宇淨無塵增添喜色知多少滿眼雪峰如故人

北風吹破亂山雲山頂皚皚色尚新怪得幾朝寒暝自元來留雪逐歸輪

一自瀟湘見雪飛炎氛遮眼暗漁磯今朝纔入湖南界便覩玉光生翠微

北風吹面過如冰也勝南風瘴水濱莫向知亭嫌太冷主人元是鐵心人

薄薄陰雲淡淡天北風迎路徹重綿從教捲起橋簾子吹盡幾年嵐瘴煙

重重疊疊擁遙峰總在輕煙薄霧中疑是李成初畫了生綃千幅掛晴空

淡描深拂百千般終日擡頭不厭觀造物始初誰與樣定應曾得古圖看

一等乾坤一等小纔分湖嶺便多般何如洗盡昏昏瘴都作晴天萬仞寒

折得梅枝插轎簾路人驚恠簇巉巖從教大擔擔將去深入三家村裏談

短簫長笛鼓鼙鼓蕤蕤絃為舡棹晚風送了鬼神無一

事大家贏得醉顏紅

雞未鳴時整客衣行行只恐日斜暉米塘過了全州
近恰遇村人趁市歸

赤脚蠻中新出東湖南逢着盡銀釵雖然未得凌波
樣已會人人着草鞋

示崇寧長老允和 和無一事

安心得髓遇昇平不似雲門不能行聊與祖師分半
座湘山頂上放光明

示澄庵主炳著

又向全州現此身澄庵猶是舊時人相逢休說途中

事且點茶來喫一巡

澄來澄去不知年一片澄光月樣圓照破十方三世
黑大家同集世尊前

不肯南來伴我閑若來何法可心安直饒參得齡鐵
甬也被昭州煙瘴謾

示張道人

幾年龍虎自相隨南斗延生息賜歸霄漢路通鸞鶴
在不妨高躡紫雲飛

妙高亭

四望山長老文照即山頂造一亭求名以妙高名之而示此句

四望山頭老比丘笑他思大浪經由巧將三十三天

好都向青雲青處收金翅遠投簷際歇銀河低遠砌
邊流高高更有堪行路騎取瀉山水牯牛

六一巖

徐武靖初同邵武李師聃祖道姑

由澹巖穿後峒攀援藤蘿窮覽勝事樵不
到處得此巖穴遂以六人一時同見名之

而以六人一時同見分韻有作乃若年窮
氣象妙與人會則惟出此巖而外曷與入

澹巖而內盼者心自喻焉不可以容聲
也得同字崇寧四年十二月十九日

造物有所待巉巖從此通千峰豁前障萬象欵來同
滌覽見進江水嘯晴生虎風誰知不朽事成在笑談中

喜長老永文方自外歸

荆棘叢中目在八不知何處是埃塵巖前逢着笑絕

倒也似炎荒金色身

文長老云山有訓狐鳴即客至夜來鳴更異

常

我入山來亦偶然初無消息與人傳訓狐緣底潛知
得隔夜飛鳴報老禪

自淡山過暗叢

淡中有味味真味暗裏有明明更明不是同來三大
士有誰能識此時情

觀真珠花留戲陳瑩中

古觀無人花自開真珠顆顆映莓苔留教合浦居士

看何似海邊新蚌胎

示法輪長老景齊

問碑碑已化為塵却得同生庚子人聊把此心論此
事頗疑前日是前身雲間峭嶮峰回禮庭下娑羅花
獻春更欲從橫見端的夜來飛雨洗金輪

示雲谿長老文慶

與師應有緣相見便欣然徑出牧牛室共捫垂雨天
一真誰境界萬物自山川放手無餘事歸來兀兀眠
示方廣長老從譽

五百阿師何處來天堂初不隔天台靈泉飛作人間

雨法鼓為山下雷對現此身誰髮髻上方重

崔嵬只應永劫觀空眼總向峰前歡喜開

題譽老無住閣

不二門開刹海中十方世界本來同四威儀竟無所
着千手眼應如是通彌勒當年曾示現善財於此悉
參同而今我亦逢師處聊擊拄問祖風

自方廣冒雨過高臺示德瀾長老

雲煙猶暝曉杖履已高臺眼向不危去景從無外來
巧將新水墨灑出舊塵埃携得還天北晴時闕展開
定林長老首座自合浦來以此示之

已入高樓見彌勒却尋舊路禮文殊誰知垢膩納衣
內總是摩尼無價珠

示萬壽長老道琮

萬壽閣中逢故人萬年松下偶穿雲憑將五分真香
藝長對南山祝聖君

示衡嶽寺善果庵道成庵主

遊了諸山問了禪却來庵裏坐安然何如一瓣焚香
去飛作祥雲徧九天

示勝義寺長老行餘

韶陽一曲有誰知拍手相逢笑幾時偶向悅亭杉外

立元來傳在最高枝

八桂蒼蒼湘水南師鄉我客飽魚_口諧五年不見今年
見猶得寒爐一夜談

過洞庭風作

洞庭波面忽如雷萬斛樓船舞一柁為報馮夷莫相
嚇儘會經着暴風來

次韻荅八十二外翁見招

乃翁心事別壁月到寒塘欹枕三竿日橫經一炷香
尚思同燕塵還欲對胡牀行矣拏舟去金鐘亦自將
招俞清老并簡康遠禪師

腰錢騎鶴上揚州
妄想空來事事休
惟有二三竿風月
在待君同理釣魚舟

欲知何處是生緣
問取維摩室內天
渠若口甜無荅
語竹西堅卧許安全

石塔迢迢兩閨餘
潛知骨瘦奪松
和煩君為把公憑
判同過江來伴老夫

詩送晦志先生

先生戴花六十年
青春不老花長妍
金盃停手使索
去一片閑雲拖上天

是初平幾代孫
僕携日月弄乾坤
人間有幾幾

得笑出常州西郭門

疾卧幾為萬鬼鄰
金丹一粒遇高真
此身從此無它
事長作昇平擊壤人

一別相逢復幾時
東西南北酒盈卮
天機深遠猶須
染莫復飛騰不我期

萬里來歸荷聖恩
焚香趺坐欲無言
群仙若問誰堪
度為說冥心到本元

寄和庵主

自從衡嶽得高風
南北東西又未逢
惟有旃檀知此
意為傳消息到中峰

簡俞子恭

東郭名園步可過，病餘猶以路為多。
何當略約通新徑，自有從君擊壤歌。

戲簡錢濟明

雨雪相仍勢未休，禦寒惟酒勝重裘。
誰知旱久猶乾涸，不見玉泉東向流。

又

載酒無如君最頻，年來緣底斷音塵。
只應咫尺譙門住，也學兵厨不送人。

就舜諧覓石

數峰寂寂卧蒼苔，醉眼何曾略為開。
乞與茅簷簷必相對，要令雲雨出山來。

智岸將往錢塘索妙樂庵詩勉此為句

向來揚處士，今作岸禪師。
懶散元非我，熙怡竟有誰。
長應心似水，不復口如碑。
此處真安穩，何人妙得知。

呈明遠

爾來無酒可沾唇，只恐傍人恠獨醒。
自笑金龜已當了，息然誰復遣銀瓶。

樞姪以詩來次韻示之

酷愛日長螢可聚，幾人如古惜分陰。
宵中萬頃清涼

地莫遣俗塵乘間侵

讀書

誰能也學讀書癡園圃三年忘了窺却恐主人如泄
柳謾携藜杖去何之

挽詞

崇仁縣君魏氏挽詞

出自高明盛歸從望族賢崇仁膺帝命積善信家傳
翼翼纔纔三世冥冥忽九泉空餘可銘事追繼采繁篇
獵獵霜郊路銘旌捲朔風堂前萱尚北門外水猶東
貌入丹青冷息留祭享豐鄉人仰閨範方看子孫隆

故通直強君挽詞

白髮將年往青衫甫宦遊從來四方志曾未一分酬
幕府殘機畫閭門失好修惟餘舊秦月寂寂照新丘
金丹猶在鼎馬鬣已成封夢斷飛雲鶴春歸遠墓松
帚編元自若藜杖竟誰從賴有承家子流光得所鍾

龍圖胡公挽詞

華屋初成後安車未用時誰知五朝舊俄與九原期
德映文恭顯名參修簡垂淒涼獨心事無復盡施為
正爾逢千載何為不百年龍圖虛舊閣馬鬣啟新阡
方寸留天監清規入世傳常平向來盛端屬子孫賢

知己如公少還鄉特地親分携能幾日聞語歛驚人
永念恩常在深慙報未伸從橫淚交下空灑朔風頻

胡公郡君李氏挽詞

先別人間去由來天意微初心在借老此日遽同歸
鏡掩孤鸞舞津藏雙劍飛空存錦囊告依舊照霞衣
正是家肥日香奩曉不開侍兒猶扇枕良藥已停盃
蘋老殘初薦萱開冷舊我只應有餘慶從此亘雲來

故通仕孫公挽詞

少微星忽墜疇昔夢初圓鄉社崇新祭書帷掩舊編
亭依金斗固見戲綵衣偏踵續誰為傳吁嗟高士賢

君子不可見先生無復遭凶傳俄一旦吉養謾三刀
德與諸郎遠門將駟馬高傷心獨南陌松檜朔風號
故成紀李季侔挽詞

命也端難詰時乎竟莫來門庭方白晝冠帶奄黃埃
萬卷虛料理千金廢劇裁遵承子將顯猶得慰泉臺
師門深往好如黨厚新情正爾追談笑那知隔死生
松風傳挽鐸龍月照銘旌莫預東郊送悲涼空此誠

故文安郡君劉氏挽詞

鷲峰成記別聊現大家身瞬目超塵劫隨方得本真
忘憂殘舊草供祭冷初蘋獨有閨門淚潸然冬復春

願力堅如母儵然亦坐亡羞蘭唐孝養偕老誤榮光
淨域端何許遺經只自香它年盛追贈猶得賁餘芳
故承議李公挽詞

莘莘豪英內如公迥不群育中妙莊老筆下藹機雲
勲業知誰覩聲名只自聞空餘栢莊栢彌望拱高墳
甫畢榮親願歸休不計年心冥塵竟遠善積子皆賢
萬事殘初夢千齡奄逝川登門獨無路追感倍悽然
忘交皇甫民望挽詞

八行宜高選胡為不享年鄉間推往躅几席積坳場
遺編悅仰成千古淒涼到九原湏知天報在有子共

稱賢

超然遺象數非古亦非今過我每終日惟君同此心
絕編猶可續折角竟難尋已矣無由作高山空自琴
閻求仁太博挽詞

東國論交處于今馬鬣歸江山愁歆變冠劍歛成非
事業知誰覩聲名只自飛蒼蒼不容問落日掩晴暉
踵門寒日後留語竟黃昏能得幾日別遽為千古魂
根塵元自了生死更何言獨有人間淚隨風落九原
強評事挽詞

池亭春未改宰木已鳴風夙負三吳望今鄰萬鬼中

潛光雖不輝遺澤定難窮它日高門淚猶知駟馬通
不為明世得已矣舊山川青眼誰樽俎黃金自簡編
鄉閭今昔異門戶子孫賢我獨從君晚追惟更慘然
閭丘大夫挽詞

鷓鴣紛集日松檜掩新茔持節空諸路分符謾列城
閩山餘舊峻淮水漾前清地下雖難作功名凜似生
營立何處是不復問歸期世事三吳冷風霜八月悲
生平雖爵祿身後只書詩恩報嗟無及初心折涕淚

道鄉先生鄉忠公文集卷之十四

道鄉先生

卷之十五

制

吏部尚書除節度使制

係試中書舍人

四方在御資文武以成功八柄是嚴必勲勞而懋賞
眷此築壇之拜實居分閫之雄厥有真賢來膺異數
用諷剛日敷告治廷具官某學貫古今氣全剛大洞
萬微於忽眇挺一節於初終是為君子之儒出偶駘
人之作踐揚中外綿歷歲時逮入長於天官益推隆
於人望審乎甄拔既比迹於山濤肅以公方更同風
於毛玠是用疇其底績寵以陟明授茲六憲之儀董

我三軍之政於戲覲武無烈雖盛德之不為忘戰必
危亦前修之深戒朕方躋民於富壽爾其體國而經
營庶幾夷夏之安永紹祖宗之盛服我休命勉圖膺
公

中書舍人除翰林學士制

學士視草禁中雖以翰墨為選然論思獻納密贊事
幾其所以副予簡求者蓋在文章之外矣號為內相
自昔以然久難其人今以命汝具官某志修而行篤
學博而才高自昭于時無所比附夙稽群議進直掖
垣作為深厚之詞鼓助中和之化玉堂虛位莫爾宜
居斷自朕心亟此選推夫自唐以來若是職者多矣
淑慝具在可按而知其以誠自信于心而既効于事
者歟前人而擴為朕不次心尚存異寵

戒百官修職業勿事朋比詔

係試中書舍人

朕自臨御以來夙興夜寐思所以遵奉先烈而成天
下之務者無競於得人故訓迪厥官布列中外且冀
人皆正直有如文王之時績用咸熙無愧舜帝之盛
然而求之在位攷之輿言其奉公守義者不加多隳
職朋姦者不加少以方前古朕甚慙焉豈朕戒之用
休者未盡其道歟董之用威者未盡其法歟抑士大

夫狃於前日之習醜然安之未易遽革邪經不云乎
示之以好惡而民知禁夫好惡者人主心術之動也
既以曉然示天下矣民且知禁而况士大夫乎繼自
今往其各務正乃心飭乃職上以成政事下以成風
俗副朕所以期汝之意高爵厚祿朕亦有以待汝而
不遺也否有常刑朕曷敢赦

鄭紳可東頭供奉官依舊閣門祇候制

勅具官某朕臨御以來未嘗私爵祿以為恩而祥發
宮闈寵予慶事推隆異數厥有舊章躡進五官併為
爾寵爾其飭已務稱毋使清議得以疵焉則朕惟汝

嘉

陳彥誠父繹特贈右正議大夫制

勅朕纘隆聖緒澤沛萬方凡厥幽明率從褒陟具官
某故父具官某早以才學蔚為豪英中外踐更譽問
休洽當熙寧有為之日受神考特達之知揚于禁林
致位華顯奄其淪逝積有歲年惟善慶之所鍾服義
方而是似式膺賁典越進文階雖冥漠之遊閔難窮
於視聽而寵靈之異宜不昧於欽承享我恩榮用光
泉壤

蕃官巴令渴等轉官制

勅具官某等爾以忠勇奮然身先冒險摧鋒達于朕
聽第功應賞寵進爾官勉對恩榮益圖報効

蕃官包厚轉官制

勅具官爾以忠勇所至身先折馘摧鋒數有成績懋
推恩典寵進六官仍徇爾宗就遷巡警益圖來効以
對休光

蕃官侯師正轉官

勅具官某爾奮身行陳折馘以聞應予賞科用進爾
秩尚思報稱以廣後功

孟勝轉三班借職制

勅具官某爾父以忠濟勇數有戰功回厥寵遷用陞
爾秩勉從訓令相與致身尚有官榮待爾自効

朱綏除給事中制

勅給事中以封駁為職而一時之政令係焉必惟其
人乃克勝任具官某儒學吏治夙昭于時翊朕初潛
灼見忠實亟從諫省進陟東臺斷自朕心不以為速
語不去乎故舊不遺則民不偷然朕之所以用汝者
豈直以故舊而已哉勉修厥官以永終譽

張耒除祕書少監制

勅具官某朕方崇策府以集天下之豪英嚴史官以

昭先帝之功德惟時選寄不輕用人以爾學博文高
表于多士召從孤外亦既踰年蔚然禮樂之中休有
服勤之譽總司祕籍參預信書疇爾居焉朕命惟允
勉圖報効勿愧恩榮

張耒直龍圖閣知揚州制

勅具官某揚於東南為一都會師帥其上率多顯人
以爾文學著聲於遠近舊職往莅兵民其思
所以鎮撫之稱朕意深元元之意

蘇洵武職官制

勅具官某朕惟神宗皇帝妙興道入會肆筆成書集以

寶藏就委史局爾於致力最為有年寵進一官用旌
勤勤仰惟宸章在上燦若日星垂照萬世而爾獨以
編次遷正亦預有無窮之榮

入內奉押梁從政降官

勅宮闈左右之臣朕所親信事于廟社義曷可容具
官某受國原恩弗圖忠報方近宗升遐之始皇太后
深念大計召爾詢焉爾乃佐佑章惇請聽其語向非
聖慮先定牢不可移則惇之所以異意者將因爾而
佳也惇既竄于流上爾猶處于禁中公議聿騰罪在不
赦尚念神考龍飛之日爾為攀附之人特屈刑章

姑從輕比降官褫職出領祠官服我殊休往其惕厲
王中正追復遙郡防禦使制

勅朕既嗣位與天下更始不間存歿咸以恩加具官
某蚤奮邊陲晚罹廢黜奄其淪謝倏有歲年用伸孝
子之情追復遙防之舊營魂不昧服我休光

任伯雨除度支員外郎制

勅具官某自諫路而遷省曹元豐以來具有成比以
爾進繇朕選修職不回支度虛員往司其事夫財用
多寡之數物產豐約之宜爾蓋論之詳矣且將於爾
所行而攷焉其勉之母怠

宗室仲美所生母王氏等封郡縣太君制

勅天寧啓節慶肇宗親昭厥母儀推隆異數具官某
所生母某氏休有內德克成子賢既疏大邑之封申
錫有邦之號永綏孝養以對命書

宗室士瞻所生母郭氏封縣太君制

勅具官某所生母某氏等天寧啓節慶肇宗親有子
而賢義當同貴用䟽封於湯沐以表異乎情文永對
寵休益循母道

王厚責授賀州別駕制

勅具官某朕惟祖宗以來仁覆天下固無此疆爾界

之別間或興師問罪亦以義濟仁而已非造兵而嗜
殺也爾以選拔為將會不是思而乃深入青唐肆蹂
族部私其實化負禍天下幸然結人心動傷和氣按章
來上深駭予秉倘不明正典刑何以厭塞公議黜居
散秩竄隸遠尚體寬恩勿忘循省

郭憲除文思副使制

勅具官某集禁旅以嚴武備詔令之所謹也爾能飭
力遵奉迄用有聞寵進厥言尚曰某劾

李昭玘除太常少卿

勅具官某奉常禮樂之司所置以為屬者猶皆一時

之選而况典貳事詎可非其人乎以爾博通古今

又已試討有休聲惟時亞卿莫汝宜處

若夫明損益之宜使朝廷典章與

三代已稔聞而熟察矣勉對朕命

以三厥功

賈察除左司郎中制

勅具官某六官之政令而左右司分贊綱轄

其選以爾言斯可復行不苟難中外荐更聲著

臺閣越從文部擢實都司其以爾自迪于中庸者擴

而充之以上承而下肅則豈惟有功予治爾亦無愧

於所學

蕃官結旣抹等轉官制

勅具官某等爾忠不容叛力摧賊鋒折馘執俘各以功顯第數來上隨進厥官服我恩榮尚思後勅

龔原除集賢殿修撰知揚州制

勅具官某師帥大邦為時重寄朕所畀付屬在老成以爾拔自儒宗荐更省闈分符共治民吏宜之寵陞書殿之華就總列城之重朕於天下固已一視而同仁矣爾勿以外自輕思所以利吾元元者以需報政亦善乎

王說除直龍圖閣知青州制

勅師帥大邦為時重寄朕所畀付屬在老成具官某歷仕五朝服勤諸路剖符持節民吏宜之寵陞內閣之華易總列城之重朕於天下固已一視而同仁矣爾勿以外自輕思所以利吾元元者以需報政亦善乎

陳次升除右諫議大夫制

勅朕方無所忌諱以延天下之忠直而職總獻納尤思得人與其取之於方來孰若用之於已試具官某以御史事神考以補闕侍恭陵知無不言簡在朕聽

召居橫榻亦既踰年曾弗撓於夙心實有禔於初政
用疇爾最長我諫垣然自元豐正名以來臺諫之職
既已有所分矣爾其勿亟勿苛思所以稱其職者而
勉焉以副朕獨斷用爾之意

內侍省都班閹安轉團練使制

勅朕自屏玩好之具外斥土木之功嘉與萬邦同臻
康靖三紀三紀奉列聖則苟可以致隆者未嘗不勉焉
所以伸孝敬也助成此志豈不宜褒具官某久侍宮
幃備陳忠力嚴晬容而增飾釐夙夜以施勞肆遷團
結之榮寵異班聯之寄往師而屬共迪官常以承朕

光無所作為之意

盧世延陞通事舍人

勅具官某歲奉聯上闕久已十年率職無違在所甄
錄特陞通替前奉軒墀稱我恩光勿忘報効

張守節陞封郡主制

勅某縣主某氏其世首宗皇帝宗祀明堂大推慶澤
肇從宮禁與國同休而充儀張氏願以所蒙進爾郡
號益堅自誓之節永對非常之恩

內人劉氏等並封國夫人制

勅具官某氏等朕續隆聖緒二年于茲矣苟有功於

國者雖邈然孤外之人猶且褒陟再三而况宮闈之內乎以爾護視朕躬既久不懈䟽榮顯郡未稱勤勞用進錫於國封以寵光乎禁掖欽承休命永保壽康
內人張氏等並封郡夫人制

勅具官某氏等朕續隆聖緒二年于茲矣苟有功於國者雖邈然孤外之人猶且褒陟再三而况宮闈之內乎以爾佐佑朕躬服勤夙夜䟽息錫號亦既彌年用增錫於郡封以寵光乎禁掖惟時休命勿替欽承

內人薛氏等並封典字制

勅具官某氏等朕於掖廷之內雖未嘗以名器假人而之于服勞者亦必有以報焉以爾列職交修協成衆務不改司存之舊就遷品秩之榮尚勵夙宵以圖來効

後苑土地封顯應侯制

勅後苑土地爾神分職幽間實在禁籞數有顯應動乎見聞宜昭正直之功用錫列侯之號享予秩祀與國無窮

劉鑑轉官制

勅具官某爾父有方辭榮禁省就佚靈宮寵其舊勞推以異數願回所授併陟爾官移孝為忠勿忘圖報

蕃官王毋羅等轉官制

勅是官某等爾深入賊境遇敵而前折馘執俘各以
勇濟進官一等用酬爾功尚有戰多勿忘忠奮

許宗孟父元贈右正議大夫制

朕纘隆脞緒澤沛萬方允厥幽明率從褒陟具官某
居以孝顯仕以才稱父幹邦財被遇仁祖爰自周行
之內越陞侍從之班有子而忠能世其美式膺貴與
追進文階宜不昧於欽承庶永光於泉壤

富紹庭除祠部郎官制

惟爾先正相子... 勲勞竦服夷夏其宰上之

矣故笏可見猶當異之以比昔榮而况遺範之
所在乎以爾少長以我方習以成性擢于久仕總領常
平而乃力自貢其誠心冀不違於先志奏封來上朕
用汝嘉詩不云乎維其有之是以似之朕亦何愛典
祠之清選而不汝陟焉以勸夫孝衰於親者往其欽
哉尚有褒寵

王謹等轉官制

勅具官某等朕所服御以見天地宗廟之物爾能總
視制作克應禮文各進一官用旌勤勤尚思來効以
稱恩光

盛次仲直龍圖閣知鄧州制

勅具官某南陽遣帥屢矣而莫安厥居無以綏靖一方朕甚念之以爾性質克允和詞學敏贍奮繇臺省歷試事功一紀于茲迄無罪悔必能識朕所以子育元元之意進直內閣寵賁爾行勉繼前人作民父母宗室仲焉贈節度觀察留後追封郡公制

勅五屬之間朕所惇叙以為天下先者也既有以榮其生必有以哀其終名位不同禮亦異數具官某以信厚之質益日義理之文雖居富貴之中不愧祖宗之訓奄其淪逝深用測傷惟兩使留務之雄惟五等爵名之峻未嘗虛授併以為思魂而有知服我休命

曹擘妹婿劉復特與三班奉職制

勅某朕以曹擘乃賢懿大長公主之子仁宗皇帝之外孫也憫其不壽特推異恩而擘父詩以爾為請勉自修飭毋愧官榮

宗室世福新婦張氏等叙封制

勅具官某氏等天寧啓節慶肇宗親惟時闡儀稱其夫秩用䟽封於善郡以表異乎情文永對休光益循婦道

王舜臣等特與轉官制

勅具官某等嫌疑之間今昔所慎爾父愍既以爾自
隨矣又上爾功應賞宣其心果足以取信於人乎朕
方推至公以待天下終不以此廢爾戰多各進一官
勿忘圖報

發遣官仇洵等轉官制

勅具官某等爾以方藥祗事禁廷有勞可嘉用陞秩
序愈其精慎稱我恩榮

道鄉先生鄒忠公文集卷之十五

